



留素堂詩刪目錄

七卷

元旦早朝

春日漫感示張尉

迎春

元宵觀駱駝高嶺山

西閣晚眺

寓秦州何生書齋

詠鸚鵡



謁太昊宮

失鸚鵡

三月二十四日示伏羗紳士作

四月八日登大像山

早登柳家坡

遊天門山

過朱圍山

落門

仲夏中旬羗人獻芍藥玫瑰鶯粟鹿春花盈几

案感而有賦

別意贈成縣吳岱觀明府

雙劍吟

遊暑

病後同友人晚登西閣

馬鷄

七月篇四首

殤女

遊秦州水月寺同王自純明府

八月十八日夜嘆
三句餘四句

嶽上寺

出塞曲六首

雨菊

駐渭上觀橋成
登西園

十二月八日作

正月七日入郡至二十一日還伏
羗二首

哀僕吳華

送文令劉潛夫之任隨州

雙巢歌
十八日出
還於

早逢立夏

雨餘

同友飲賈園送王自純還安邑

贈慕鶴鳴明府

被劾蒙恩赦作

宿隴西萬壽寺
同四首

羗人獻土豹畜之庭中
吟賦道
始於

羗夜吟
雨
同
四
首

赴秦州遇雨

重陽後一日雪中看菊和親道諸君韻

和呂忞字紅橋詞四首

何烈女祠

夢胡介

懷桂林吳司理幼輿

徐靜庵學憲見示入秦稿

示武秀才略

十二月二十八日出署作

八卷

寓武氏宅二首

登廣吳坡

隴酒吟

萬壽寺獨飲

懷郭寅客工部

送陳參軍淇瞻攝洮州學正

登隴西南巖謁關祠

陪慶陽楊治庵司理集殷氏牡丹園

寓兒生

懷吳岱觀客燕

即事

三月十六日雨雪

許鐵堂和杜甫秦州雜詩及薰四韻訓之

遣悶

戲咏病虎

懷天津章澹公郡丞

寄張士至

牡丹原

木門感古

登初山謁武侯廟

西和縣

三岔早行五十里至木瓜園

宿略陽縣

沔縣晚眺

旅雨

諸葛武侯墓

泛漢江別墓

過漢中訪曾司理不遇

韓信拜將壇次何景明原韻

瑞王故宮

漢臺早許五十里全才

五月三日自漢中西還

渡黑龍江左對南

漢馬超墓

宿隘口驛

梁別駕邀飲略署

山中早行

憶昔

白馬關

懷顧秀才王金吾

青羊峽復雨

月夜還當亭

楊司理有書見寄於聞効後始到既感垂情傷

其蒙難愀然賦此

寓書雲中故人作

懷吳準庵

寓隴西報國寺陋室

追悼屠闇伯

孔甥彰褚壻蔚文家姪士弘美才遇阻又念老

曰夫一出受困不敢相勗愁懷兼至

晝臥

六月十八日大風雨

雨不已

潘庚訪讌集州縣守令同去任諸舊官

懷東昌朱方庵法曹

偕許鐵堂史東山集陳淇瞻署中

老僕去冬南還久不得報

隴雨篇

郭函九給事齋中小集

卷中風土詩十首

七夕逢立秋

杜秀才園中見三春柳

客夜

過郭給事宅使人路邀不赴戲呈

送武秀才略西安赴舉

送張秀才輔宸省試予滯隴西闕為郊餞寄詩

訓見情

玉額棗駟歌

兒齒落

屢枉郭給事見招

拓落二首

當亭二首

隴西諸生為言關賊之亂關兵備永傑殉難陳

州乞詩有作

秋日隴西雜詩十首

送梁山舊令之夔州

和李賀傷心行

什喇駒

蕃狗

我馬

白雁

屈窮吟

九日逢岱觀南還

芹

寄幕府閔丈

重過何永昭園居首

贈謝山人澍

懷縉雲李太守鄭吏部陳令麻李鄭三孝廉

贈俞尉首

河內馬叅戎曾遊予鄉問憶黃雀紫蠅否戲占

以應

奉楊司理

可老吟

秋帆

獨寤

相逢

十月二十三日自隴西還伏羗

憶申庵

秦女休

澹餘鳴大兩弟計偕入京却寄

吁嗟篇

曾廷聞北上見訪不遇

寄繆文萬

當亭送史東山還越二首

冬至次杜韻

祀二親

夜過武乾垣宅話別

姮娥

女涓

緹縈

昭君

蘓蕙

綠珠

君馬黃

白紵詞二首

醉歌

贈伏羗馬方士大受

思南村二稚子

獨不見

除夕二首

留素堂詩刪目錄終

留素堂詩刪卷七

嘉興蔣薰丹崖著

塞翁編

甲辰

元旦朝賀

曙轉星河鐘漏催
蕪城山色似蓬萊
爐烟滿袖初揚
燎羗笛迎鑾細落梅
下邑回春逐隴塞
天顏望日近

燕臺空階拜舞當亭吏渭水東流獻壽杯

○春日漫感示張尉丁巳冬末

故園蠹盡石倉書潦倒西戎板屋居但有監州寧有

蟹奈無食客更無魚春風欲度江南曲朔雪難遊花

縣車仙尉哦松多逸興清音謾謾到前除

○○○○迎春

雪晴山暖柳垂絲剪絲分行樹紙旗邊妓彈箏歌歷

歷正者端工名擊鼓舞差差開筵毳帳邀鄉老躍馬春

塲試健兒百戲顛狂人似醉也隨羗俗挿花枝

封使君

二首補入

元宵觀駱駝高

兒童結伴醉遊教短後衣衫錦束條滿架銀花開綺

席一聲塞曲入雲瓊簷端遙挹浮丘袖月下徐來駕

海鰲遊莫玉山終自倒夜深猶舞駱駝高

西閣晚眺

公餘登閣晚退食散煩襟殘雪分山徑輕風動壁琴

烏啼城角寐人渡渭陽深堪笑潘安髮徒勞莊舄吟

○○寓秦州何生書齋

徑曲茅堂靜城陰春日寒墻花高下樹砌竹兩三竿

此首在大
吳宮後

此在迎春詩
後

何遜才情麗陶潛官興闌折腰聊偃息殘帙帳中看

詠鸚鵡

棲遲春日暮憐爾未忘機無意銜紅豆多愁刷綠衣
隴山終夕望越客幾時歸孤負能言者依人總不飛

○ ○ ○ 詔太昊宮 秦州

入廟真思敬開天俎豆光衣裳無粉藻棟宇自黃唐
學易歲云暮居官筮未長書焚秦火後點畫在川陽

秦州三陽川有伏義畫卦臺

失鸚鵡

昔曾憐爾病我病竟高飛輕別緣何意窮途未可依
好從金屋去莫向隴山歸多恐離羣久爾來鍛羽譏

○ ○ ○ 三月二十四日示伏義紳士作

吾輩讀書人能先天下憂明理識時務不止一身謀
當亭彈丸邑貽害自何侯加賦萬餘兩罔畏民我仇
官吏暨紳士溺利同覆舟百年財力竭十室九荒丘
撫字心徒勞催科無良籌野骨日已高渭血日已流
去鄉棄病父輸租賣耕牛羗兒裸體走羗婦啼深溝
百錢輕一命生不如死休我來蒞茲土民隱猶未周

橫征悉蠲除諸公相助不有皮毛所附無唇齒馬留
庶幾小入樂君子得優游願毋匿戶口願毋隱田疇
地廣兩稅輕丁多民力優憲始固云難樂成及于秋
縣官稍督責賢達當反求窮則必通變肯為桑榆收
流官去有時鄉黨爾綢繆勉矣衣冠族示民在不偷
割言希勿藥相諒無相尤近愧鄭監門遠慚无道州

○ ○ ○ ○ ○ 四月八日登天象山

宋嘉祐四年鑿山為大像左有雙明洞

百丈丹梯臨絕壑數聲法鼓報新晴未逢夏首珠雲
出纔送春歸芳草生灌佛香泉流渭水遊入小騎簇

山城石門過處懸崖度倘有羅縻布衲迎

○ ○ ○ ○ ○ 早登柳家坡

匹馬上高丘寒披五月裘烟青深柳岬山折帶河流
出郭鷄鳴樹聞鐘雨過樓羌人吹笛曉腸斷隴西頭

○ ○ ○ ○ ○ 遊天門山

小駟行空蹴紫氛一聲清磬隔林聞寺門半落峰陰
雪城郭平分渭北雲心淨我遊惠遠社碑殘人索彥
和文歸來日夕披荒徑前路隨車下鹿羣

○ ○ ○ ○ ○ 過朱圍山

風俗夷賓古山名禹貢傳臨河開赤壁傍嶺起村烟
隴麥漸漸秀沙禽故故眠寒幃詔父老扶杖滿車前

○○○落門

漢馮異攻落門未拔而薨建武十
年來歛又攻之擒隗純載邑志

平坡團落日野店解輕裝山色西邊合河流東折長

夷歌吹笛晚漢壘渡沙荒隋陸元無武揮毫弔戰場

○○○仲夏中旬羗人獻芍藥玫瑰鶯粟麗春花盈几

案感而有賦

看花翻滅波中夏覺傷春關塞一身老繁華惜此晨
更誰能對酒獨我欲歌中落盡無新句開時少故人

○○○別意贈成縣吳岱觀明府

我居夷賓君同谷才非百里可奈何夷賓腸斷羗人

笛不異同谷杜甫歌建安詞客吳季重西園詩酒應

承寵竭來獨步鳳凰臺

臺在成縣

更擅丹青賦秦隴勞人

州縣不可為如君踈放去有時

劉中丞劾岱觀云賦
性踈放以丹青詩酒

自彭澤辭官八十日碎琴瘞鶴猶嫌逐隴西行江南

曲持杯起舞夜秉燭留者效鳳歸鴻鶴

○○○雙劍吟

子鑄雙劍一團霞二畏雲取羗
志未團晚霞畏嶺雲飛之義

皎皎沙魚室粲粲蜀蠶緜不鳴亦不飛左右夷賓侯

霞射朱圉晚雲幕無畏秋嗚呼安得奴視于諸弟畜
兩鈎車中七尺雄八騶

遊暑

同劉別駕清文
渭北嶽中地

渡河浮白馬履畝下蓋輿待望蠲租詔先頒定賦書
征桑今幸免課磨未能除卷中有桑遊暑休張蓋崇
陰且曳裾

病後同友人晚登西閣

倚城烟外月歸岫水邊雲乘興還登閣同人更不羣
傳琴嵇林夜扶病沈休文莫望秦川路東南吳魯分

馬鷄

紅顏翠尾羽毵毵養得雙禽似可駭會見隴頭生馬
角從教窻下聽鷄談清宵起舞吾將老上苑長鳴爾
覺慚野鶴伊誰能獨立同羣飲啄不知貪

七月篇

去春三月量轉伏羗五月離縉雲八月辭家就道
自十月蒞任閱今六月躋難困辱備歷矣方謂貴
賤由人死生在我棄官還鄉依僧投老尚可為也
嗟逢七月有不然者

安用若吏為朝褫我甘之舊令敗乃事執言無媿辭
履尾則啞泣血則剛太守按部觀者指髮尚下

○二 獄卒溺醉尉呵失勢多辱可柰何趙承差枉擊則那

三

袖出鐵鍊子鎖我強項侯大咲爾胡為命吏非罪囚
揮鍊破案飛聲響激吳鈎待欲往想之逢怒我心憂

四

使石能言不敢以告 君使碑生金不可以享軍碎

此碑石將焉用文除害利何在珉玉固不分 予為羌民歲除

雜派銀一萬四百七十餘兩勒碑在縣

○○○ 殤女

定女纔六齡、相隨四千里、牽衣今安在、藏鏹竟已矣、
死者不復生、生者何如死、魂魄尚有歸、關山悲游子、

○○○ 遊秦州水月寺同王自純明府

渭北平橋路城南、白露亭風微、兩岍柳水落半池萍、
荷敗青堪礙僧閒、定未醒石軍携手好乘興、寫黃庭、

○○○ 八月十八日夜嘆

御史來天門開，驄馬驕殷如雷。粲粲胥吏赫赫與儔。
竟夜咆勃，憂心徘徊。攬茲秋月光，不可以燃我灰。挹
彼渭陽水，不可以酌君壘。

○ ○ ○ 嶽上寺

自公還出舍，索賦下窮鄉。數馬何能對，鳴驢轉欲傷。
大兵將臨用夫驛路通三輔，軍書向五涼。不堪邊吏
八千驢稱之苦野寺晚傍徨。

○ ○ ○ 出塞曲

張太保自雲南移鎮甘肅道經伏羗

八月關山雪，將軍出塞時。河湟迎鼓吹，雲日動旌旗。

玉帳中權列，金符前隊馳。朝○廷○有○遠○略○不○為○奪○馬○支○

○ ○ ○ 二

元戎初授鉞，西出制羗胡。旌節三州去，偏裨六詔俱。
雍容羊叔子，紀律李司徒。刁斗清宵寐，霜○天○明○月○孤○

○ ○ ○ 三

漢世開西域，平安亦舉烽。文皮蒙馬脊，光甲積駝峯。
勝算通神鬼，先聲伐鼓鐘。羗戎將款塞，踈勒舊提封。

○ ○ ○ 四

騎從風雲合，軍容盛塞垣。驅猿談劍術，牽犬獵吳門。

吳門伏羌郭門隗囂時入幕陳琳檄籌邊充國屯即
童謠云出吳門望緹羣
看麟閣將勒石到崑崙

○五
前茅驅壯士隴上有陳安朗鼓催飛鏑流旌拂大冠

皇威須遠宅西瞻自今寒騎却涼州馬橫行鐵鍛鞍

○六
中原無薄伐西域始專征風勁邊簫發天高長角清

紅崖休牧馬青海會屯兵大武能龕定降王自請纓

○七
雨菊

若為花信早冒雨且相尋濺淚東籬酒低頭秋士吟

可憐汚白壁錯看布黃金夕餐無意飽搖落故園心

○八
駐渭上觀橋成

初冬清渭落伐木起輿梁貢道開西域星軺達帝鄉

垂虹嵐影合飲馬塞沙黃極目朱川外村烟帶夕陽

○九
十二月八日作

政簡居官拙心勞事上踈相逢多按劍蚤愧不焚書

白髮愁中滿黃金肘後虛掛冠誰見許歸去賦次且

乙巳月廿日入稿至二十一日

林太守求金
不遂屬有詬
言

正月七日入郡至二十一日還伏卷
奉府檄報完萊糧

騎馬出西門馬骨銷髀肉春風吹長陌
岍柳生微綠萬物各向榮我行何局促
大吏如天帝勞人鱗谿谷南安路更險
深林虎豹伏

窮鳥無依枝涸鱗乍失水同憂不能救
河上歌已矣岳翼尚堪飛遊釜寧終死
決日始放還皇皇過都市相逢裘馬客
飛揚誰家子

哀僕吳華

一心真可託萬里遠相依白骨埋朝露
黃蒿乾夕暉魂歸燐火照腸斷犬書稀
痛爾為傖鬼春風灰蝶飛

送文令劉潛夫之任隨州

長風破浪下江濤此去還携宓子琴
坡向驕驩千里近山過太白一杯深
驕驩坡在隨州如子標散為邊
太白山在文縣吏將子瑤華寄好音
春暮河陽桃李謝行看遊暑爰

崇陰

雙巢歌

羗署山榆高百尺有黃鶴蒼鷹來巢賦之

鷹巢東鶴巢西黃鶴蒼鷹一樹栖
清宵鶴唳不堪聞

薄暮鷹飢歸路迷我願爾鷹颺翔風我願爾鶴還青
谿此間凡鳥那可擊有琴不彈空相携

○○○ 早逢立夏

漫說迎炎帝相將祀兩師小臣哭巷日宗伯奉璋時
昭假無羸力滂沱未可期精符非洛令何以慰歌思

雨餘

兩餘深草色風末亂禽聲登閣一憑眺他鄉萬里情
歸來荒徑晚老去挂冠輕且聽霽霓咏秋田望有成

△、同友飲賈園送王自純還安邑

流水小橋東垂楊一徑風到門且問主人座不驚翁
芍藥翻苔砌葡萄映碧空銜杯陶永日別意醉懷中

○、贈慕鶴鳴明府

六橋花柳送潘安白馬春風度隴干鶴鳴為錢塘令以艱回籍家
在崆峒多道氣人歸湖海盡交歡相逢把酒班荆暮
共道為官行路難他日雙旌還向越應從父老杖藜

觀

○○○ 被劾蒙恩赦作

甘肅劉中丞劾疏云本官處凋殘之地雖未聞苛政及民賦性迂懶惟事賦詩立碑馳騫虛名全無補救實際所當照例處分以為曠職之戒後因赦免議

迂懶當亭吏催科索拙何雖然苛政少無乃賦詩多
白簡虛名悞皇恩絕塞過不才猶未棄松菊待巖阿

○直宿隴西萬壽寺日更始還向遊息則入寺外
敢生安穩想暫向化城居板響開禪悟鐘鳴省夜書
關山吾老去天地一舟虛解組知何日依僧即遂初

○○○羗人獻土豹畜之庭中
隱豈南山霧蔚看君子文風雲未能變猿鶴不同羣
烏府何時直黃精有日耘隴坻非我土乘爾向榆枌

羗夜吟

當亭擊柝二更初僧帽儒衣讀道書有日江南歸去

早柯山樵客武陵漁

○赴秦州遇雨

柳坡九折坂出郭雨隨車嶂疊秦亭遠林昏渭水紆
自公勞僕馬著意護琴書無用愁霖唱春根農事初

羗人以麥為春田
秋雨布種曰麥根

○○○重陽後一日雲中看菊和獮道諸君韻

白雪黃花瓊樹枝東籬客髮盡如絲寒侵元亮頻沾

酒臥起袁安懶賦詩刺棹興來虛此夕鄉臺望後有
餘思豈是秋亭烟雨裏拒霜開向使君時

○○○和呂忞字紅橋詞

才子多情不待挑西橈春水渡紅橋花前借倚耶溪
石月下偷吹秦女簫

○二秦州遇雨

廣陵美酒任君賒鳳船遺聲寫水涯却令解紅歌一
曲不教玉樹讓隋家

三

輕容半臂怯新涼蕙麝微熏一座香日送天邊雙白
鷁回頭笑殺野鴛鴦

十一四

斜陽別路水空明邗上淮陰兩地晴借問羅浮共枕
樹何如宮柳暗江城

○○○何烈女祠在伏羗縣西十里

遺烈前朝事清風起道周黃巾空一代紅粉自千秋
蝴蝶荒庭滿鴛鴦古瓦留女貞堪對幌何不此菴丘

○○○夢胡介六日文選附子

九月二十六日夜夢胡子樓居臥白紗中似病者
几案書籍楚楚精雅傍設兩三榻虛無人余餉胡
子盤餐加白金馬異哉樓居離地生死隔也臥白
紗中總帷之象也傍榻無人姬妾散也餉盤餐而
加金雞黍之薦購紙錢也嗚呼九重泉路交期盡
醉乎醒而賦詩倘胡子不死劉狂奴大觥
才人合向玉樓居鳳去山空繡帳虛
婬別君更入夢案頭多恐是遺書

○ ○ ○ 懷桂林吳司理幼輿

識路憑清夢離羣黯落暉冰霜萬里外瘴癘幾時歸
季重應飛蓋元卿待拂衣尺書難寄雁莫怪塞音稀

○ 徐靜庵學使見示入秦稿

青緗彩筆前車載長佩高冠駟馬馳南國詞宗開絳
幄漢家星使出龍池入關盡識真人氣望嶽先酬掾
吏詩從此秦聲停擊缶起衰作雅有經師

○ 示武秀才略

年少耽遙集揣摩尚索居世人多學劍獨爾未焚書
濡墨成龍虎臨文辨豕魚敢言能化蜀風雅領相如

○十二月二十八日出著作
望鄉萬里遠復褐一身輕
門柳依依待邊風颯颯鳴
投閒餘筆墨長揖謝公卿
留滯歸何日兼之歲暮情

留素堂詩刪卷七終

留素堂詩刪卷八

嘉興蔣薰丹崖著

○寓武氏宅

薄宦連遭惟是拙讀書慷慨竟何長
幸無苛政憑輿論媿有詩名達奏章
竹徑未歸須乞食儒衣莫怪但

思鄉乾坤落落客迂吏憔悴行吟在渭陽
入春病起驚人日人日題詩倍黯然放棄已成萬里
客逍遙未許五湖船床頭藥裹呼兒檢隴外梅花少
使傳庾信暮年居宋宅鄉關蕭瑟有誰憐

○○○登廣吳坡

三休凌晚景九折見河源渭河之源疊嶂風迴雲平田水
帶村浩歌天聽近高望道心存捷徑無安步危塗恐
覆轅

○○○隴酒吟

朝挹隴水暮釀隴酒隴水斷腸隴酒吉口行人淚千
斛座客醉一斗酒兮水兮憂樂何有我願隴頭水四
下隴頭酒

○萬壽寺獨飲

獨飲不成醉禪房照一燈罷官已是客投寺竟如僧

○懷郭寅客工部

春深回雁薊門書臘盡辭官下澤車清俸故人甘澹
泊苦吟迂吏賦虛徐相憐玉折瑤階樹郭有喪却喜

梧高粉署居不可久留羗地惡關山何以返林廬

○送陳參軍淇瞻攝洮州學正

矣去蓮花幕欣然首荷盤折腰聊免俗高座不辭寒
兩馬春風度清齋朝日團爭看張井至翦棘待棲鸞

○登隴西南巖謁關祠

石磴無塵山麓幽風生殿角上簾鉤乍聞法磬泠泠

遠不動爐烟細細浮漢祚已移光日月聖人復起志

春秋吾鄉先達埋輪處遺構殘碑姓氏留

秀水屠侍御重建

○陪慶陽楊治庵司理集殷氏牡丹園

隴外寒多春未回尋春南郭小園開勝情不待名花

發雅集何須倦客來乍陰過雨慵移席倚檻揮毫數

舉杯此日荒亭非寂寞即看吐鳳子雲才

○寓兒生

二月二十三日舉第五子

庭階蔓草似蘭芝錯比燕山長桂枝已誤平生好紙

筆可如陶令五男兒

○懷吳岱觀客燕

柳暗南坡不忍攀別君隔歲未能還他鄉離索餘清

夢上國交游非故山詞賦罷官同吏議音書何路到

江關天涯俱是飄零客腸斷秦川極目間

○ ○ ○ ○ 即事

春城開徧杏花紅細馬輕裘楊柳風思殺江南遊冶

子○画船珠妓五湖中○

○ ○ ○ ○ 三月十六日雨雪

倦起繩床兩雪催小童好事曉窗開侵陵楊柳零春

水點綴桃花作隴梅板屋寒多裝敝絮羈人吟苦發

新醅邊城物候非中土三月袁安僵臥來

許鐵堂和杜甫秦州雜詩及薰四韻訓之

未遂嚴陵釣休誇揚子亭髮因萬里白眼為故人青

迂懶辭邊吏窮愁老客星新詩多漫興言舊及郊垌

○ ○ ○ ○ 遣悶

塞外春云暮愁中書向空柳垂園過雨花落鳥啼風

寥廓家何在浮沉信未通牆東隣女滿窺笑白頭翁

戲咏病虎

病虎深林裏嗟哉伏莽叢垂頭思逐鹿噫氣不從風

似悔皈僧晚還驚射石雄即今為爾西應與喪家同

○ ○ ○ ○ 懷天津章澹公郡丞

周礼揚州其
凌五湖謂太
湖也太湖有
五派又周五
百里

彭蠡湖邊食有魚天津海上寄無書三年絕塞除豪
氣萬里同人感索居日出扶桑空照曜水源鳥鼠欲
歸虛風烟寥廓催衰暮目極西州非故廬
○○○寄張士至

京國寓書傳隴外游揚知爾作曹丘懸壺燕市猶為
俠士至行解組邊庭已是流欲問養生難縮地無能
岐黃術
結屋漫居舟臨風好謝同門友洛社交期在白頭

○牡丹原秦州南入漢中路

輕裝將入漢間道未離秦汗漫江關客風塵南北人

旗亭沽酒熟驢背負茶新止宿山家早從容問去津

木門感古孔明伏兵射張郃處

孤軍能北伐三覆尚裹師登此懷前烈喟然嘆出奇
寶刀流水淬戰鬼晚風悲未得收邊郡梁州那可窺

登祁山謁武侯祠

數椽祠宇倚苔墻古柏凋零細柳長極望平田空漢
壘已銷戰骨舊沙塲東迴關隴吞三輔西帶河湟接
五涼縱使出師曾未捷指揮盡瘁答君王

○○○西和縣

十二連城險，巉巖不可攀。吳玠築金兵于此，築十二連城，縣治其一。青羊

通蜀道，白石斷秦關。青羊峽在縣南，入蜀道，白石戍北抵祁山。漢將摩旗

出，金人流涕還。洗兵千古後，嗚咽水潺湲。

○○○三岔早行五十里至木瓜園

百折流泉送客聲，草青沙軟馬蹄輕。山花著雨何含

咲，溪鳥迎風忽一鳴。前路無知應漫刺，故人相見儘

班荆。傍觀錯比豪遊子，潦倒艱難漢上行。

○宿略陽縣

渡河白水遶城邊。舉渡河出縣，環白水，江兩岍山光出，嶽成兩水合流，略陽。

空翠懸，負擔東來隴右客。輕橈南下蜀江船，市酤可

似耶。筒美庖炙何如丙穴鮮，祇恐君房偶見識，有煩

候道一高眠。次早潛至煎茶舖，梁別駕追訪不及。

○沔縣晚眺

深山歷盡闢巖城，沔水東流入漢清。鄉思浮沉吳會

杏，雄圖指顧蜀關平。西南抵陽平關。臥龍躍馬千秋恨，鱸膾

尊羹萬里情。待欲沽醪移小艇，放歌還恐世人驚。

○旅雨

昨來一夜雨，早起半山雲。檢書留客讀，乞火與隣分。

宿屋蕭蕭靜新泉處處聞扁舟擬下沔百里到江濱

○諸葛武侯墓

定軍山北漢祠新百代謳思伏臘人壁動旌旗留草

木兵銷龍虎臥麒麟蓮池白日懸泉夜蓮池在武侯讀書亭

扇清風散墓塵死不入關藏劍履猶將東顧定三秦

墓在沔東離陽平關一百八十里

○○○泛漢江

沔舟輕下瀨江樹遠團沙兩過灘聲直雲移山勢斜

斷秦函七谷七谷謂褒谷斜谷箕谷駱谷漢谷子午谷黃金谷壯蜀帶三巴

太息英雄盡空勞歸客嗟

○○○過漢中訪曾司理不遇

策馬江干馳暑路勞人塞外向梁州既因寥落三年

隔况少從容十日留舊約曾將兒子託今來更為老

身謀長安迢遞音書寄悵望褒斜已白頭道扶時在長安

○○○韓信拜將壇次何景明原韻

逐鹿亡秦後沐猴歸楚時賴有王孫力能將霸業移

風雲猛士守江漢大名垂穉叢雷車飛揚赤羽旗

蜀志由建興五年諸葛亮率軍北駐漢中臨發上出師表

○瑞王故宮

帝子天涯去漢城金門玉帳更開營旌旗色壯風雲
動絃管聲悲燕雀驚故國藩封已改邑平西第宅尚

連楹移師六詔烽烟靜春滿吳宮花草生平西吳王居瑞府後

移鎮雲南

○漢臺在郡治左七星臺之一

幾更劉氏業猶見漢王臺胥井深藏劍空亭滿引杯
千家烟火合一徑竹林開次第觀星聚人從斗柄回

○五月三日自漢中西還

七星臺畔著歸鞭驛路泠泠聽水田褒谷連雲開北
棧漢江帶蜀劃東川迎人野店黃梁飯照眼榴花五
月天不道囊空詩句滿酒家當作杖頭錢

○渡黑龍江中史劉進文又與劉合風雨則

風馳白馬疾水激黑龍鳴回首中梁寺天邊接漢城

漢馬超墓在沔縣東十里

可嘆虎牙折祗成鼎足分魏仇終飲恨蜀史已書勲

空谷泉聲咽一杯草色曛自過丞相後誰復哭秋墳

諸葛丞相過超墓與馬岱洒淚而奠

○○○宿隘口驛

馮西客倦馬蕭蕭灌木斜陽入谷遙適館不妨洒掃
去看山更覺臥遊饒人棲峯頂如歸鳥鹿走林中似
晚樵擁被微吟聊自遣床前新月掛詩瓢

△梁別駕邀飲略署

懷刺慚投謁回車更倦遊兵戈盈傳舍風雨阻江舟
何意韓荆識遂因鄭驛留傾尊能醉客下榻有南州

○山中早行

流泉何滴滴小鳥故啾啾渡澗迷岐路看山冷敝裘

狂來猶昨日老去似殘秋清旭扶桑上陽谿照馬頭

○憶昔

行藏一誤老風沙憶昔園田樂事賒朝爽觀書遊午
夢春閒對酒種秋花二三竹徑同心子來往蘆碕貫
月槎自受客嘲難作解不堪回首問生涯

○○○○白馬關

白馬關西亂石溝

關西有官溝二十里

犀牛江上一編舟行人

腸斷出師路山木溪風日夜愁

○懷顧秀才王金吾

三年門鎖松筠徑二仲家連池柳居田彼南山知賣
劍謂金皈依西竺倘焚書謂秀交情望極雲霞外鄉
思愁添詩酒餘招隱不勞頻屬賦故林猿鶴肯相於

○○○青羊峽復雨

晚來晴復雨愁極醉還歌投老猶行路乃公無渡河
殘書銷寂寞枯樹對婆娑置我巖阿裏聽泉洗耳多

○○○月夜還當身

渡溪風送馬照峽月窺人冷落青萍劍欹斜折角巾
雲村難辨樹沙路自無塵中峪鳴鷄曉行歌半負薪

楊司理有書見寄於聞劾後始到既感垂情傷

其蒙難愀然賦此

別時柳暗草萋萋却寄瑤華到隴西為念交情深紵
縞不知世路險山谿屋梁夜月憑新夢筆墨風騷識
舊題更誰廉讓如夫子可道翻同濁水泥

○○○寓書雲中故人作

一行作吏長為客飄泊關山未得歸寓目風烟連馬
邑傷心荆棘阻漁磯相逢誰肯還聲子咸詠時多嫉
楚妃我命待懷青塚怨公才須解白登圍

莫以懷吳準庵

昔年送我開顏色今日思君黯別離州縣勞人真自

苦邊庭歸計更難期文章已是推枚牀奏當還須待

釋之準庵成進士漫賦停雲江渭遠側身南望寄書

遲

寓隴西報國寺陋室

時被誣對簿

今知廢吏拙一鉢僅容身板屋風開牖繩床月受茵

問心無可媿與世復何嗔有客來相弔呼予忍辱人

追悼屠閣伯

閣伯卒於粵東

因子多難日痛爾遠遊魂駕水新阡綠羊城暮景昏

有才終棄世無路挽歸轅稍待生還後携琴掃墓門

○孔甥彰褚壻蔚文家姪士弘美才遇阻又念老

夫一出受困不敢相勗愁懷兼至

嘉賓未入幕牀寶自清神老夫萬里隔阿姪幾時新

欲望青雲路請看白髮人夜投多按劔江上可垂綸

○晝臥

日長心亂渾無緒老至愁深只欲眠荆棘滿途難避

地義皇一枕且忘年

◎○○○六月十八日大風雨

破壁風驚座翻盆雨打空何為居屋裏已是在泥中

窘步乾坤小開懷詩酒窮披裘當六月塞上一迂翁

○○○雨不已

旅館淒清晝掩扉弱雲細雨澹晴暉向人乞食愁無

路坐榻觀書好息機又客病夫空咄咄巡簷飢鳥故

飛飛鴛鴦嘴畔溪流急朱圍山前音信稀

鴛鴦嘴屬寧遠縣境

○○○潘廉訪謙集州縣守令同去任諸舊官

潘超先字維宗

玳筵開步幃星序列即官絕塞衣裳會華堂歌吹闌

看花饒有咲對酒強為歡入座皆傾蓋何人已掛冠

○○○懷東昌朱方庵法曹

同官甌括青羶舊分檄東西白髮新尚德不妨求治

獄無才始悔出臨民隗囂宮外人吟越光嶽樓頭月

照秦我負碧山歸未得焚魚送雁一沾巾

○偕許鐵堂史東山集陳淇瞻署中

雨後名花窗外照樽前雅集醒時狂不拘清興看修

竹一任豪情坐上床翰墨留題園客賦盤餐兼味野

芹香追陪蕭散風流在詭浪潭忘夏日長

○老僕去冬南還久不得報

蒼頭已自秦中去黃耳何無洛下來有信昔隨南雁
寄忘憂今怪北萱開老妻稚子誰持戶羈客他鄉獨
上臺莫待隴寒催歲暮令人思殺故園梅

○隴雨篇

經旬雨不出抱膝意徘徊閨塞如多病氤氳猶未孩
乾坤阮籍哭詞賦子山哀辟暑千峰洗先秋一葉催
星沈懸劍缺雲幕暗烽臺宿屋炊螺婦蕪田雌雉媒
憂思長白髮恹澹熟黃梅壞道難遊屐奔流欲滄雷

杜詩春雨閣
塞峽中

故人看裹飯童子熱寒灰陶穴鷄埒並山菽馬矢煨
有誰携酒至無興覓桃栽木榻空趺坐柴門向晚開
幾家擁繡被而我對蒼苔業白聊無相還丹可結胎
不須尋地肺已是憶天台莫作愁霖唱何當出塞回
光華臨日月清淺見蓬萊

○郭函九給事齋中小集

徑竹開從湫巷僻床書懸向石倉看未焚諫草留垂
史不入深山早掛冠誰家愛客容樓護竟日圍碁對
謝安良話却忘世上事素心引勝酒杯寬

○○○卷中風土詩

少陵入蜀思華為言形勝美風土惡其巫峽蜀江

野比之華嶽黃河美矣若風土之惡詩人固不欲言

耶三百篇美刺並列何以訓焉予也仕羗寓羗留

滯未歸為著風土詩庶幾太史採陳悉茲民艱承

不獨後之遊者將有感於斯章

南晴北望雨風土隔河違

南山欲晴渭北望雨燥濕不同

六月猶煨

火

習俗使然

三冬未授衣

貧不能具

生男逃父去鬻女嫁商歸

可是羗無賴山寒燕麥稀

○○○二

河衝南畝徙地震北山崩生聚十年後蕭條百里仍

輸租徵水伯居穴稅蕃僧哀此誅求盡千家治結繩

羗民逃賦多帶索追逋

○○○三

地瘠民如寄窮鄉半古莊

無人居開荒聊種麥避課

不栽桑

田賦外另有農桑課

寒水魚無樂春山草尚黃

諺云山無樹水

無耕田難得獲更覓禹餘糧

○○○四

黃瓜生白髮三載老潘郎伏羌古縣桃李荒城滿風沙
紫塞長驅飢迎驛使索賦到窰房政拙原迂懶徒勞

初奏章

○○○○五

秀才頻歲舉果是不知書未得窺文史安能辨魯魚

采樵朝負擔種豆晚燒畬酒胡年少子犢鼻學相如

諸生多負薪抱鋤亦有沽酒為業者

○○○○六

少婦區羗飾重窰閨閣深插花叢綠鬢解辮受荆簪

羗女適人始解辮

傅溺楊妃粉投鞋卓氏琴

以溺塗面取其光潤孀婦再嫁

不憑媒妁投鞋報帕為訂

鄰家聞夜哭幾處白頭吟

○○○○七

幾多流寓子望斷隴頭梅不盡無家別難從絕塞回

郎官居馬肆郡倅哭龍堆投邊如戍客將復後人哀

○○○○八

流民多善類畏法去汧岐稂莠秋田竊鷹鷂窮鳥欺

敗籠裝絮背破甑果粮炊

以竹籠裝物曰背豈不懷

柳縣莊農今屬誰

羗俗謂田園曰莊農往往人逃則豪強隱占歸則索逋使不得留

九九

冀戎遺部落，羅纏尚成羣。鼠竊猶知畏，而鼠貪人狐鳴

時一聞徵兵，先破膽服罪。祗移文先以徵兵懼良農

羞雜種不與並耕耘

○○○

關西魑魅地，毛鬼到貧家。雜菓祠旁戶，高粱盜滿車。

貧家祀毛鬼於戶端，工休擊鼓，邪物欲飛沙。
端工巫

樞問能盜運梁穀逐羗婦羅襦解，春心蕩寄猧。婦人逢鬼輒自露

○○○ 七夕逢泣秋

烏鵲飛飛暮，銀灣澹澹流。衰年同落葉，今夕忽驚秋。

難乞天孫巧，應知宋玉愁。隴寒從此始，何處曝衣樓。

○○○ 杜秀才園中見三春柳葉細如柏，深碧色

少見三春柳，能開七月花。輕紅含夕照，深碧點窓紗。

不與塘蒲盡，偏從徑竹遮。風流誰可比，况是杜陵家。

○○○ 客夜

反側心驚客，夜長邊城留。滯比投荒床，前明月更三。

點枕上秋風，泪數行不計。田園蕪舊徑，却憐妻子寄。

他鄉愁來踈雨催，寒早惹起砧聲更斷腸。

崔寔四民月令七月七日曝衣裳

過郭給事宅使人路邀不赴戲呈
白髮有營如倦鳥黃門何事欲張羅杜陵撥悶惟曹
長莫厭他時百遍過

送武秀才略西安赴舉

長安秋色似春城
桂子槐花滿帝京
龍種自歸沙苑
牧鳳雛會向上林鳴
三年閉戶生書帶
一戰揮毫掃墨兵
此去青袍看雁塔
君家曾有舊題名

送張秀才輔宸省試子滯隴西闕為郊餞寄詩

見情

終南雲氣接蓬萊
彩筆如君天下才
豈謂秦風收隴坂
即看漢策重金臺
星臨北斗文芒動
馬度天門曉色開
漉酒遙憑清渭水
東流滿泛曲江杯

玉額棗騮歌

南人蕩槩不控韁
老去邊庭走沙場
三年縣吏馬上
治乃公矍鑠頗飛揚
官廐百匹皆駑下
買駿西蕃相九方
樞上黃雲與青鐵
不及棗騮玉額良
此馬疾徐識人意
轡柔無俟加鞭長
登山絕水獨先驅
青黃後騎俱騰驤
有時風雨鳴失羣
却如主僕遠相將
翻令

人感馬意厚。北門少謫貧。何傷今年失職之。芻豆兩
馬舞向豪家床。留者。削鞵白麻。絡去者。較鞵黃金裝。
吁。嗟。玉額素驄無輝光。玉額素驄無輝光。
○ 兒齒落 予年四十有三齒落其一
隨生兒齒今復落焉故作 買西番
壯年齒落生兒齒。今日愁看兒齒殘。水石漱來猶可
礪。雪糲噉後不堪寒。可憐未吃紅綾餅。還憶加餐首
指盤。餘論尚雄吾舌在。縱橫信肯老漁竿。

○ 屢枉郭給事見招

兩過却思緩步出。花前頻遣老蒼來。客嘲北叟今何

往。主候東園早自開。萬事盡慵詩一卷。衰年獨醒酒
三杯。深知野性同鷗鳥。相狎相親不見猜。

○ 拓落

拓落微官棄蕭條。萬里身秋來。悲有賦狂極。嘆無人
蘓季貂裘敝。管寧皂帽新。遼東堪避地。何事久留秦。

○ 二

謝客逢今雨。焚香辟坐塵。借書眠作枕。賒酒起呼鄰。
誰是憐懷玉。我將去負薪。出門終異域。望古幾同人。

當亭

當亭出宰老臨邊髮短心勞祇自憐雜賦為民蠲一
萬荒糧遠部減三千催科獨下陽城考圖西誰將鄭
俠傳投効未歸飢欲死吏情詩興總蕭然

△、二

吏情詩興總蕭然罷吏傳詩一問天安用文章榮賤
子更勞州縣困衰年半生才短逃名酒獨喜囊空造
孽錢滿地江湖波浪濶蛟龍何怒挾虛船

○○○隴西諸生為言關賊之亂關兵備永傑殉難陳

州乞詩有作

睢陳能盡節鄉黨尚流傳灰死乾坤劫名垂日月懸
即今隆薦藁丁亥題何恨關凌烟地下從張許江淮
保障全

○二

孤忠留白骨異代卜新阡康寅始隴水聲嗚咽中原
氣浩然應悲城郭舊不問子孫賢空作招魂賦騎箕
上九天

○○○秋日隴西雜詩

襄武城南客飄零豈壯遊仲尼猶是旅平子莫須愁

水落難垂釣山寒半過秋典裘已昨日那得敝貂留
笙歌聞毳帳蕭瑟對寒宮何處霓裳舞此間樽酒空
潺湲清渭水慘慄石門風盼望歸來路何時馬首東

三

連天隴草白接地渭雲低老去心如石狂來醉似泥
關山愁極北烽火報安西王粲裁詩寄平戎靜曉鼙
何自通西域嗟哉驛路繁蕃人牽宛馬國使探河源

四

搖落樓鴉柳蕭條過雨村無衣遊浪子乞火扣柴門

五

秋日愁霖雨如何補漏天軍麾魚海列羽箭雪山傳
元帥馳空壁中丞駐五泉防河憑廟略消息問西邊

六

平明騎馬出入晚醉言歸寶帶銜紅日雕鞍濕翠微
鞞鷹野獸避吹角路人稀誰是從公邁秋原數打圍

七

邊城同作吏許令舊相知拓落皆窮老飛揚似健兒

新詩能贈綺妙墨更臨池未便河梁別吾將寄一枝

八

仄羗元有種鳥鼠竟同羣地氣驚殊俗鄉心託暮雲
寄孥歸未得餽口俸誰分近採首陽蕨悲歌寧不聞

○○○九

六月辭羗邑孤身蕭寺間成非乘漢障僧似閉禪關
亂砌鳴蛩惡踈槐倦鳥還寄書兼藥餌思婦損朱顏

○○○十

龍泉磨折久漫說斗牛光客嘲居北郭我意隱東墻

壁全思衛足金盞戒岳堂蹭蹬無安步憂從隴坂長

○送梁山舊令之夔州

白帝城寒木落初路難心折去何如徵求蜀使應趨

檄省觀邊庭肯絕裾梁令親親去國還從花縣過無

家莫卜杜陵居可知峽裏看南菊不忘江頭寄北魚

和李賀傷心行

憂接如懸絲脉脉悲秋素落葉點敝裘迴風嘯惡雨
古劍苔花綠不平鳴欲舞月出照羈人床下寒蛩語

什喇駒

籟雲逐電渥注種黃蒿紫塞千金駒隅目拳毛非肉
馬未游閭闔能馳驅雕鞍且覆香羅帕軟口頻供甘
露芻拂拭桃花新汗血莫使同軒惜駿駕

○ ○ ○ ○ 蕃狗

常恨晉廷噉却怪吳宮嗥蕃客牽犬來趨趨四尺高
大掉金獅尾亂茸黃狐毛截竹貫長繩投鮮割佩刀
凌晨至隴西昨夜過臨洮觀者立如堵怒信風雨號
國中憎獬狗西旅何獻獒

我馬

我馬非君馬房星何日明虬毛披鐵鍛瘦骨響銅聲
兩注桃花落霜欺竹葉輕謾言千里志空向北風鳴

○ ○ ○ ○ 白雁

白雁傳霜信年年八月期羨他南稻熟嘆我北風悲
塞下吹蘆葉閨中織錦詞愁心兩回首淚落教聲時

○ ○ ○ ○ 屈窮吟

李賀野歌男兒屈窮心
不窮枯榮不奇噴天工

黔敖空奉嗟來食路旁饑死羞揚自在陳顏回拾塵
飯七日烟斷寧滿腹烹駝炮鳳炙肥熊文章豈必稱
鉅公黃金買貴侏儒飽致使人間多屈窮絕纓決踵

歌金石採蕨陽山屑隴麥舉世欲殺氣尚豪惟有秋
猿泪書客彎弓仰天射酒星胡為令我常獨醒趙壹
無錢向誰哭終須辟穀受丹經

○九日逢岱觀南還

知是君歸去相逢別淚流驪駒門外在杯酒菊前留
異域增怛怛新詩少贈酬江南書半札此寄莫沉浮

○○○芹

隴西芥芽一尺長碧如琅玕白如霜漳鹽屑玉水氣
盡桃花醋漬琥珀光美味適口可無肉藍田謾說青

泥坊

寄幕府閔丈

軍門旌節建臯蘭烈士從容戴鶻冠飲馬五泉紅叱
撥揮毫玉帳碧琅玕才淹記室陳留瑀氣折前茅隴
上安越客無家雙鬢雪何當贈策促歸鞍

○○○重過何永昭園居

幽人結構多幽事倦客交游不倦來舊徑亂刪無數
竹短牆疎西幾枝梅清風入座開書幔好鳥呼童送
酒杯最是能詩何水部滿庭筆墨掃蒼苔

贈謝山人
流客謝公子高風我所知
傳琴松石上賭奕夜談時
入幕為園客還山訪鍊師
草堂貲未足覓地在西枝

〇〇〇 懷緝雲李太守鄭吏部陳令麻李鄭三孝廉

諸君在林下詩酒集良晨
應是黃花候能思白社人
江魚書阻渭衡雁路由秦
坐對關山月空辜錦水春

車。贈俞尉

卜宅東柯近山村似學農
昔隨潘縣鶴今種杜陵松
去吏寧非隱依人豈莫容
歸來春水外江上看青峰

莫。河內馬叅戎曾遊予
鄉問憶黃雀紫蠅否戲占

以應

酪漿糲肉非吾好捕鴿
還銷羅雀愁學得雲林舊風

味呼童聊為裹饅頭
倪雲林製
黃雀饅頭

二

秦亭春蠚如榆莢思殺秋螿
遮酒籌雌實雄肥何處
得車輪大樣有監州

〇〇〇 奉楊司理

初逢花照眼重見雪盈頭
冷煖乾坤薄榮枯生事浮

文章容我輩簪組與時流聊復歌河上邊風颯敝裘

△、可老吟杜甫詩數篇吟可老謂可以娛老

可老何可老長吟復短吟太息白頭翁河上無知音

誰是同憂者對酒拂劔鐔蛾眉落猶如驚颺肅枯林

慨慷漸離筑哀曼宓子琴賤妾望依光形影媿在陰

縱有關山月徒傷羈客心

秋帆

春宅經年稅秋帆何日歸漢江誰進艇羗縣獨驅飢

莫道前人是應知世事非鄉園千萬里日送雁南飛

獨寤

獨寤邊城裏寒林反側多寔前風落葉林外鳥移柯

心在他鄉淨眼無俗物過不堪宵漏盡到處起羗歌

相逢

未嘗用我法何以合時宜仰面迎人唾出門悲路岐

沉埋阮藉酒流落杜陵詩却避乘車者相逢下揖遲

○十月二十三日自隴西還伏羗

死拚歸隴獄生得返羗廬妻子應愁見賓朋不厭踈

吟枯思越泪心折上梁書老為虛名累躋難肯負初

○○○憶申庵
憶自甲申歲結廬東溪口引水注藕根累石作峯首
凌蒼蔭修竹倚檻垂疎柳剪琢工未能風雨蔽可久
鏟跡餘十年涉趣在一畝乙未南渡江故林猿鶴守
園蕪懷二仲歸來掃敝帚投邊道里長碧山咲我負
音信兩斷絕歲酒難謀婦蠟絲網清幌蝸涎畫虛牖
散木想成圍舊帙知存否雲兒初讀書疑義誰與剖
但恐雜鷄羣終然落牛後何時鋤松菊臨流麕魚留
不敢效越吟聊復擊秦缶

○○○秦女休

楊刃宛魯矛結束能報讐生男年十六不如秦女休

澹餘鳴大兩弟計偕入京却寄

九臯寥廓養清音幽翻飛並出林塞外浮沈同北
叟國中照曜比南金未期白馬歸空谷但望青雲早
合簪萬里何人能急難悲鳴惟有鵲鷓吟

吁嗟篇

吁嗟臥逕蓬憔悴飄風轉蓬根纏故土蓬葉落他縣
七陌尚可尋五山何由見不如墻上苔終年蔓庭院

拂拭寒松枝點綴春花片
○○○曾廷聞北上見訪不遇
高軒才子過歲晚掩荆扉
宮賦行囊重商歌陋巷稀
無心雲自出乘興客多違
漫勞題鳳去終待看花歸

△寄繆文萬

交深同管鮑姻戚更潘楊
投老水天外相思夢路長
金臺登駿客玉塞泣龍荒
驛使無消息梅花空斷腸

○○○當亭送史東山還越

去官同是客之子獨還鄉
識路鳴班馬銜杯對夕陽

南歸無兩雪賦別過河梁
藉報平安信行吟渭水傍

○○○二

行矣無回首黯然而故人
關山馬上月羗柳笛邊春
今日交情見他鄉風俗親
我知歸計緩已卜贄公隣

△冬至次杜韻

幾年至日羗中過至日今年倍黯人
去國無歸同放逐裁書寄遠憶交親
杜門空復吟葭管解組何由對
紫宸愁盡愁添一杯酒江南肥節異西秦

△祀二親

哀哀我爺娘夢寐頻相依今日會長至時祭陳家闈
親魂當在羗蘆酒薦山薇知念遠遊子垂淚不忍揮
西戎冰雪寒好向南村歸
夜過武乾垣宅話別
忽聞將遠役夙駕待侵星持有一壺酒不勞送客亭
寒燈明玉樹樞馬動金鈴清渭流無極前途為我聽

姮娥

姮娥冰雪姿貞心常皎潔完璧自生光破鏡亦守節
千秋誓不移世人見圓缺勿畏風露寒所苦天地閑

混沌孰分明綠桂將無折

女涓

津吏醉不起津女當奈何車徒南擊楚我公將渡河
巧言脫父刑持楫揚清波妾本是庶人高松引蒿蘿
世無趙簡子安知河激歌

緹縈

緹縈年最幼隨父至長安生女能緩急涕泣摧心肝
荷蒙明主恩得永骨肉歡諸姊見小妹含羞側眼看
十男無一英使我更長嘆

寄言王昭君莫怨毛延壽漢宮三十六蛾眉舞長袖
縱識春風面能不落入後青塚至今傳琵琶成絕奏
單于使有婦長門空自守

○ ○ ○ 蕪蕙

陽臺譜若蘭不知執何辭竇滔亦可人肯忘齊眉時
才色太自矜翻使藁砧疑將軍盛氣岼漢南長別離
婉孌侍君子何必迴文詩

○ ○ ○ 綠珠

綠珠小家女失身石衛尉金谷園珊瑚斯時壓豪貴
燭薪固已愚錫釜有何味嗟哉中饋人懽樂不知畏
當其墜樓時亦自生意氣

君馬黃

君馬黃我馬老同是千里足致身苦不早誰食甘露
芻獨飽嚴霜草見棄五侯客孤負黃金腦游盤洛陽
春壯心悲電掃佳人在長門顏色日枯槁君王不愛
賦慼慼傷懷抱

○ ○ ○ 白紵辭

命侍兒歌白紵家本吳人作吳語清商長袖迴風舉
驚起東隣北方女關山落月掛前簷雪花片片撒輕
鹽惟娛夜短紅燭尖手持鸚鵡杯纖纖
○○○○二
胡笳羌笛何紛紛子夜清歌聲入雲銀袍雪中簇蝶
裙六郡豪家得未聞吳音雅奏誰能分誰能分共欣
賞費君一夕錦纏頭曲終應作霓裳想

○○○○醉歌

十二月五日伏羌張尉邀同陳參軍夜飲達旦隨

過予寓更杯復酌許州佐舟速到董廣文道未不
音來爰作歌

隴西參軍當亭長狂夫同是無心想相遇酒顛張尉
家風流氣岼青雲上百壺不休陳四更傾尊堅坐蔣
鷄鳴參軍與予俱嗜酒俗人以為譏鷄鳴膊膊更籌盡白眼看天勸
啟明倒著接羅騎劣馬入門大叫不肯下厨人却報
熟熊躡葡萄一石殘杯瀉廣文先生竟不來許子咲

我如土灰元龍尚豪公琰醉荷鍾請築糟丘臺
味武贈伏羌馬方士大受

知君能洞視秘訣授長桑懷藥臨池水十年見一方
不須求紫桂已是守丹房
販山誰作客來往有韓康

思南村二稚子

秋發廣陵棹觀濤八月天
關山饒水雪淹滯四經年
門前五株柳零落搖村烟
睽茲歲復暮歸心長水邊
北風吹不盡兩地情相牽
雲兒纔十齡美筆未成篇
憶別升兒日襁褓兩月圓
長者讀父書少者及兄肩
音信久隔絕骨肉相棄捐
老妻空念我稚子泪潜然
吳會不可見目極傷秦川

獨不見

江南陽雁飛君遊河隴時雁飛屢去來客子歸何遲
聞說關山外雨雪漫路岐
豺虎食人肉猿狖日夜悲
朔風卷塞草吹斷髮如絲
妾有一斗酒待君連理卮
歲晏獨不見涕淚長相思

除夕

衰年日月逝復此一歲除
世路多平坎人事變盈虛
嗟我如漂客浮沈閱居諸
今夕非美土宴息聊安舒
有妾能侍酒有兒能攤書
引杯長短歌不異歸田廬

商曰二帝... 羗婦倚門號羗兒
望屋食喧闐夜昏黃
歌哭薰我國家本江南
人胡為居塞北守歲閉蓬戶
慨馬傷異域徘徊星河闌
老去須努力

留素堂詩刪卷八終

